

Press Report

ARMÂNJILJI (Makedonarmânjilji), unu di nai ma vecljili populi evropiani – dukinda că au ună istorii shi cultură deadunu, tu numa a ma multi sutsati ditu: Arbinishie, Ripublica Makidunia (FYROM), Rumănie, Varyărie shi ditu Diaspora, loară apofasea să s-adună tu **CONSILLU ARMÂNJILORU** (CA).

Consillu Armânjloru fu pricănăscutu la giudico, tu meslu Alunaru 2008, Tirana, tu Arbinishie.

Scamnul a Consillui Armânjloru easti Muscopuli – poli-simbolu tră Armânji - populu cu ună limbă unitară, cari sh-tsănu pănă adză adetsli tsi-shi-au zărtsinjili tu veacljea culturi makiduneană.

Apofasea fu loată di sutsatili armăneshtsă, dupu multi muabets shi adunări andreapti la anlu 2005, Muscopoli shi la anlu 2007 Disentis, tu Helvetie.

Consillu Armânjloru ari scupo s-adună, cu kirolu, tuti sutsatili, pareili armăneshtsă shi persoanili cari suntu sinfuni cu Statutlu a lui shi cari au sinferu tră tutu lucurlu cari va lu-adară CA di-aoa sh-năinti.

Scupadzli a Consillui Armânjloru suntu număsits tu cap.III ditu Statutu. Ma-nsusu di tuti, CA ari scupo s-amintă pricănushtearea Armânjloru, tu cathi cratu ditu Balcanu, ca populu autohtonu ahoryea, reghionalu, cari zburashti ună limbă neo-latină shi cari sh-tsănu adetsli di njlji di anj, ditu Makidunia Antică shi pănă adză.

Consillu Armânjloru va s-andrupască tuti căftărli a sutsatilor tră amintarea a statului di "minoritati natsională" ică di "populu constitutiv" (dupu catandisea ditu cathi cratu), ashi cumu easti spusu tu nomurli evropiani shi va s-lucreadză tră tinjisearea a-ndrepturilor cari suntu tricuti tu statutu.

Consillu Armânjloru easti atselu cari va s-hibã boatsea a sutsatilor cari suntu membri tu elu, la organismi reghionali, natsionali (di cratu) shi internatsionali. Tu aestã tesi, elu ari-ndreptul ca, tu numa a sutsatilor, la cãftarea a loru, s-lja meatri, s-aflã cãljiuri di lucru/muabeti cu organismili reghionali, natsionali, internatsionali.

Scupolu a Consillui Armânjloru easti coordinarea a lucrului deadunu anamisa di sutsatili armãneshtsã trã ankirdãsearea a atsiloru facti cari s-agiutã la apãrarea shi developarea a limbãljei, adetsloru shi a axiiloru culturali armãneshtsã.

Consillu ari scupo sã apãrã sinferlu a Armânjloru di iutsido, fãrã dheafurã di mindueari politicã, atumtsea cãndu sinferurili-a loru suntu aguditi/nitinjisiti icã s-aflã tu piricljii.

Ashi cumu sã spuni tu Statutu, Consillu Armânjloru, ahãtu cãtu va-lj sta tu puteari, ari scupo nu mashi s-coordineadzã ligãturili anamisa di armãnji shi organismili internatsionali ama shi ligãturili anamisa di sutsatili armãneshtsã cari bãneadzã asprãnditi tu ma multi craturi ditu Evropa...

Consillu Armânjloru va s-caftã statutlu di organismu consultativu (**Participatory status**) la Consillu ali Evropã shi la alti organismi evropeani icã mondiali cari da giueapi tu dumenea a-ndrepturiloru a omlui shi a minoritãtsloru natsionali.

Cu harea-a loru di evropeanji, Armãnjilji furã daima unu liantu anamisa di miletsli cu cari bãnarã, lucrãnda trã amintarea shi developarea a craturiloru natsionali balcanitsi. Putemu s-dzãtsemu cã isturia Armãnjloru easti isturia a craturiloru natsionali tu cari suntu bãnãtori loiali, tinjisits, ashi cumu furã di daima.

Tr-atsea, Consillu Armãnjloru ari vrearea s-hibã unã nauã, modernã apunti di ligãturã anamisa di Armãnji shi populili cu cari bãneadzã deadunu di eti, tra s-poatã s-mutã deadunu adãrãmintulu ali Evropa unitã shi liberã di mãni.

Consillu Armãnjloru(Makedonarmãnjloru)

Biroulu Executivu

tu 04-li di Brumaru 2008